

**Starfsleyfi
fyrir olíubirgðastöð Atlantsolíu
við Óseyrarbraut, Hafnarfirði**

Kt. 590602-3610

Gefið út af Umhverfisstofnun í samræmi við ákvæði laga nr. 7/1998 um hollustuhætti og mengunarvarnir og reglugerðar nr. 785/1999, um starfsleyfi fyrir atvinnurekstur sem getur haft í för með sér mengun.

1. ALMENN ÁKVÆÐI

1.1. Rekstraraðili

Starfsleyfi þetta gildir fyrir Atlantsolíu, kt. 590602-3610, vegna olíubirgðastöðvar við Óseyrarbraut, Hafnarfirði. Komi nýr aðili að rekstri olíubirgðastöðvarinnar getur hann sótt um að starfsleyfi verði fært yfir á hann, án þess að gefið verði út nýtt starfsleyfi, sbr. 27. gr. reglugerðar nr. 785/1999.

Atlantsolía h.f. er hér eftir nefnd rekstraraðili.

1.2. Umfang starfsemi

Í olíubirgðastöðinni er heimilt að geyma allt að 7600 m³ af gasolíum og 3800 m³ af bensíni. Auk þess sem kemur fram í starfsleyfi þessu skal starfsemin rekin í samræmi við ákvæði reglugerðar nr. 35/1994, um varnir gegn olíumengun frá starfsemi í landi, með síðari breytingum.

1.3. Mengunarvarnir

Fyrirtækið skal nota bestu fánlegu tækni (BAT) við mengunarvarnir, þar sem hún hefur verið skilgreind, og nýta vel orku. Þegar aðferðum er beitt við mengunarvarnir sem valda því að mengun færist á milli andrúmslofts, vatns og jarðvegs skal lágmarka neikvæð áhrif á umhverfið (sambættar mengunarvarnir).

1.4. Breytingar á rekstri

Fyrirtækið skal veita Umhverfisstofnun upplýsingar um fyrirhugaðar breytingar á rekstrinum með góðum fyrirvara áður en ráðist er í þær.

1.5. Stöðvun rekstrar

Verði rekstri hætt tímabundið eða varanlega skal gera ráðstafanir til þess að úrgangsolíu og öðrum úrgangi sé fargað á viðurkenndan hátt. Ganga skal frá húsnæði og tækjum í samræmi við fyrirfram gerða áætlun. Áætlun um frágang vegna rekstrarstöðvunar skal skila til Umhverfisstofnunar og annarra hlutaðeigandi eigi síðar en **1. nóvember 2005**. Tilkynna skal eftirlitsaðila innan mánaðar um stöðvun rekstrar og ráðstafanir þar að lútandi, þannig að hægt sé að taka út frágang strax að verki loknu.

1.6. Gangsetning

Hafi rekstur birgðastöðvarinnar legið niðri í mánuð eða lengur skal tilkynna eftirlitsaðila áður en stöðin verður tekin í notkun að nýju.

1.7. Endurskoðun starfsleyfis

Endurskoða skal starfsleyfi þetta á fjögurra ára fresti sbr. 20. gr. reglugerðar nr. 785/1999. Ef mengun af völdum starfseminnar er meiri en gert var ráð fyrir við gerð starfsleyfisins, fram

koma nýjar reglur um mengunarvarnir eða ef breytingar verða á bestu fánlegu tækni, skal fyrirtækið, í samráði við Umhverfisstofnun, hrinda í framkvæmd áætlun um að draga úr mengun. Ef áætlunin skilar ekki tilætluðum árangri getur Umhverfisstofnun krafist frekari aðgerða til úrbóta og endurskoðun starfsleyfis sbr. 21. gr. reglugerðar nr. 785/1999. Ef nauðsynlegt reynist að mati stofnunarinnar skal fyrirtækið sækja um nýtt starfsleyfi.

2. VARNIR GEGN MENGUN YTRA UMHVERFIS

2.1. Útblástursloft

Útblástursloft frá bensíntanki og loft frá búnaði til að endurvinna bensín úr lofti sem mengað er af bensínufum skal uppfylla kröfur reglugerða nr. 252/1999, um varnir við losun rokkgjarnra lífrænna efnasambanda (VOC), við geymslu á bensíni og dreifingu þess frá birgðastöðvum til bensínstöðva. Meðalstyrkur bensínufu í útblæstri frá gufuendurnýtingarbúnaði, leiðrétting vegna þynningar við meðhöndlun meðtalin, má ekki fara yfir 35 g/Nm^3 á klukkustund.

2.2. Tap á bensín

Árlegt heildartap á bensíni við áfyllingu og geymslu þess í geymum í birgðastöðinni skal vera minna en 0,01 þyngdarprósenta af gegnumstreymi og árlegt heildartap á bensíni við áfyllingu og losun flutningsgeyma skal vera minna en 0,005 þyngdarprósenta af gegnumstreymi.

2.3. Rekstur hreinsibúnaðar

Áætlun skal vera til sem tryggir eðlilegan rekstur og viðhald búnaðar til endurvinnslu á bensínufum í samræmi við viðauka II við reglugerð nr. 252/1999.

2.4. Frágangur bensíngeyma

Bensíngeymar skulu vera með fljótandi ytra eða innra þaki og aðal- og aukapéttingu, þannig gerðar að þær haldi að minnsta kosti 95% af bensínufunum inni samanborið við samsvarandi geyma með föstu þaki sem eru ekki með búnað til að halda gufum inni, og að öðru leyti búin í samræmi við ákvæði reglugerðar nr. 252/1999.

2.5. Frágangur birgðageyma

Geymar skulu staðsettir í olíuheldum þróm sem rúma rúmmál stærsta geymisins í þrónni. Frágangur þróa skal vera í samræmi við gerð þess eldsneytis sem geymt er í viðkomandi geymum sbr. staðla.

2.6. Áfylling flutningsgeyma

Áfylling flutningsgeyma skal fara fram á olíuheldu áfyllingarplani og skal frárennsli frá því liggja í olúskilju. Áfylling skal stöðvast sjálfvirkt ef leki kemur að lögnum.

2.7. Löndun olíu

Setja skal upp verklagslagsreglur um löndun olíu þar sem fram kemur hvernig öllum tengingum skal vera háttað og tryggt að olía smitist ekki út í umhverfið.

2.8. Frárennsli

Frárennsli frá áfyllingarplani og þróm skal leitt í gegnum olúskiljur. Olúskilja með frárennsli til yfirborðsvatns eða sjávar skal vera af gerð I, samanber staðal nr. ÍST EN 858. Sé frárennsli til skólþfráveitukerfis sveitarfélags má nota olúskilju af gerð II, miðað við hámarksflæði frárennslis, að fengnu samþykki rekstraraðila fráveitukerfis. Olúskiljur skulu tæmdar eftir þörfum, en þó eigi sjaldnar en einu sinni á ári. Frárennslislagnir við þrær skulu vera með lokum innan þróar sem hafðir eru lokaðir nema þegar hleypt er úr þrónum. Lokar skulu tengir aðvörunarkerfi sem sýna þegar lokar eru opnir.

2.9. Lagnir

Frágangur á tönkum og leiðslum fyrir eldfima vökva skal vera í samræmi við ákvæði reglugerðar nr. 35/1994, um varnir gegn olíumengun frá starfsemi í landi. Lagnir skulu þannig frágengnar að hægt sé að kanna fyrirvaralaust hvort þær leki.

2.10. Úrgangur

Dregið skal skipulega úr myndun úrgangs og úrgangi komið til endurnýtingar eða skipulagðrar förgunar. Spilliefnum sem verða til við starfsemina skal skrá og skila til viðurkenndrar spilliefnamóttöku. Þó er heimilt að semja beint við aðila sem hefur heimilt til nýtingar úrgangsolíu um móttöku á úrgangsolíu frá birgðastöðinni.

2.11. Hávaði

Atlantsolía ehf. skal leitast við að draga úr hávaða frá birgðastöðinni og skal hávaði í nærliggjandi íbúðabyggð skal vera í samræmi við þau mörk sem fram koma í reglugerð nr. 933/1999, um hávaða.

2.12. Tilkynning vegna mengunaróhappa og bilana

Verði óhapp eða slys sem hefur í för með sér losun mengandi efna í umhverfið skal þegar í stað grípa til aðgerða skv. viðbragðsáætlun sbr. gr. 4.3 til þess að fyrirbyggja að mengun valdi skaða á umhverfi. Slík atvik skal tilkynna strax til slökkviliðs, hafnaryfirvalda og Umhverfisstofnun sem meta hvort þörf sé frekari aðgerða. Einnig skal tilkynna Umhverfisstofnun um slík tilfelli ef hætta er á bráðamengun. Verði bilun í mengunarvarnabúnaði skulu þegar í stað hafnar nauðsynlegar lagfæringar.

3. INNRA EFTIRLIT FYRIRTÆKISINS

3.1. Skráningar

Fyrirtækið skal hafa reglulegt eftirlit með rekstarþáttum sem geta haft í för með sér mengun eða losun efna út í umhverfið. Skrá skal upplýsingar um eftirfarandi atriði og skulu skráningar gerðar í rekstrarhandbók og vera aðgengilegar eftirlitsaðila:

- Viðhald, eftirlit og bilanir í mengunarvarnabúnaði.
- Magn og gerð spilliefna sem skilað hefur verið til móttökustöðvar ásamt staðfestingu flutningsaðila og/eða móttökustöðvar.
- Mengunaróhöpp og viðbrögð við þeim.

3.2. Eftirlitsmælingar

Eftirfarandi mælingar skulu framkvæmdar hjá fyrirtæki:

- Að minnsta kosti árlega skal rekstraraðili birgðastöðva mæla virkni gufuendurnýtingarbúnaðar í samræmi við ákvæði 2 tl. Viðauka II í reglugerð 252/1999. Umhverfisstofnun skal samþykkja mæli- og greiningaraðferðir og tíðni mælinga og greininga.
- Að minnsta kosti árlega skal rekstraraðili birgðastöðva kanna hvort tengileiðslur og -rör leki og senda Umhverfisstofnun afrit skoðunarskýrslu.
- Lekavarnir skulu prófaðar á minnst 10 ára fresti
- Botnar og þykkt neðsta umfars geyma skal mæld á minnst 10 ára fresti

Niðurstöður mælinganna skulu færðar í rekstrarhandbók.

3.3. Rekstrarhandbók

Í olúbirgðastöðinni skal vera rekstrarhandbók, sem liggur fram fyrir starfsmenn og eftirlitsaðila. Í handbókina skal skrá á aðgengilegan hátt upplýsingar um eftirfarandi þætti: eftirlit, breytingar í stöðinni, athugasemdir starfsmanna og eftirlitsmanna um viðhald, ástand og tæmingu olúskilju, þrýsti-, leka- og þéttiprófanir, þykktarmælingar og birgðauppgjör á mánaðarfresti, svo og annað sem skiptir máli varðandi framkvæmd mengunarvarnaeftirlits.

4. STARFSHÆTTIR OG UMHVERFISMARMIÐ

4.1. Starfshættir

Atlantsolía ehf. skal kappkosta að draga sem mest úr því álagi sem fyrirtækið veldur með starfsháttum sínum. Stuðlað skal að góðri nýtingu og að því að losun mengunarefna frá birgðastöðinni verði eins lítil og kostur er.

4.2. Markmið

Atlantsolía ehf. setji sér umhverfismarkmið og starfa samkvæmt þeim. Velja má staðlað umhverfisstjórnunarkerfi, t.d. ÍST EN ISO 14001:1996, sbr. reglugerð nr. 321/1996, um frjálsa þátttöku iðnfyrirtækja í umhverfismálakerfi, eða starfa samkvæmt eigin kerfi.

4.3. Viðbragðsáætlun

Fyrirtækið skal útbúa viðbragðsáætlun til þess að taka á hugsanlegum hættum vegna bráða mengunar í samræmi við ákvæði laga nr. 33/2004, um verndun hafa og stranda. Viðbragðsáætlunin skal liggja frammi hjá starfsmönnum sem starfa við áfyllingu í birgðageyma og flutningsgeyma. Viðbragðsáætlunin skal vera aðgengileg eftirlitsaðila.

4.4. Tilkynning vegna mengunarslysa

Verði óhapp eða slys sem hefur í för með sér losun mengandi efna í umhverfið skal þegar í stað grípa til aðgerða skv. viðbragðsáætlun sbr. gr. 4.3, til þess að fyrirbyggja að mengun valdi skaða á umhverfi. Verði bilun í mengunarvarnabúnaði skulu þegar í stað hafnar nauðsynlegar lagfæringar. Slík atvik skal tilkynna til eftirlitsaðila sem metur hvort þörf sé frekari aðgerða. Tilkynna skal Umhverfisstofnun um tilfelli þar sem hættu er á bráðamengun.

4.5. Umhverfi

Fyrirtækið skal halda athafnasvæði sínu snyrtilegu og tryggja að þar séu engir hlutir sem ekki tilheyra starfsemi.

4.6. Þjálfun starfsmanna

Starfsmenn og þjónustuaðilar, þar með taldir bílstjórar og vaktmenn, skulu fá viðeigandi þjálfun á tæki og öryggisbúnað sem gerir þá hæfa til að vinna í stöðinni svo og kennslu og æfingu í því hvernig bregðast skal við mengunaróhöppum. Jafnframt skulu þeir hljóta staðgóða fræðslu um eiginleika allra olútegunda sem meðhöndlaðar eru í stöðinni. Rekstraraðili skal tilkynna eftirlitsaðila um allar breytingar sem verða varðandi þjónustuaðila.

4.7. Tengiliður

Sérstakur fulltrúi rekstraraðila skal vera tengiliður við eftirlitsaðila og ber hann ábyrgð á samskiptum rekstraraðila vegna eftirlits með mengunarvörnum fyrirtækisins, og framkvæmd viðbragðsáætlana.

4.8. Eftirlit

Umhverfisstofnun fer með eftirlit með ákvæðum starfsleyfisins. Eftirlitið felur í sér árlega skoðun þar sem einkum eru skoðuð þau atriði starfseminnar sem valdið geta mengun vatns, andrúmslofts eða jarðvegs ásamt frágangi ytra umhverfis og meðferð úrgangs.

Viðbótareftirlit felst m.a. í:

- Skoðun vegna nýs búnaðar sem tekinn hefur verið í notkun eða vegna kvartana.
- Sérstökum úttektum á tækjum og búnaði.

5. GJALDSKYLDA

Fyrirtækið greiðir Umhverfisstofnun gjald vegna útgáfu og kynningar starfsleyfisins og greiðir eftirlitsaðila gjald vegna reglubundins eftirlits skv. gjaldskrá Umhverfisstofnunar sem umhverfisráðherra setur. Starfssemi þessi er flokkuð í 3. eftirlitsflokk skv. fylgiskjali I í reglugerð nr. 785/1999 með síðari breytingum. Gjald vegna viðbótareftirlits, svo sem vegna vanefnda eða rökstuddra kvartana, greiðist sérstaklega samkvæmt gjaldskrá.

6. GILDISTAKA.

Starfsleyfi þetta, sem er veitt samkvæmt reglugerð nr. 785/1999 um starfsleyfi fyrir atvinnurekstur sem getur haft í för með sér mengun, sbr. lög nr. 7/1998 um hollustuhætti og mengunarvarnir, öðlast gildi þegar. Starfsleyfið gildir til 15. apríl. 2015.

Umhverfisstofnun

24 ágúst 2005